



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՎԱՐՉԱԿԱՆ ԱԿՏ N 1510055
ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ

08 հոկտեմբերի 2020թ.

Բ. Երևան

(կազմման վայրը)

Ակտի հասցեագրեր

Ա/Ձ ԳԵՎՈՐԳ ՍԻՐՈՒՆՅԱՆ

(անհատ ձեռնարկատիրոջ անունը, ազգանունը (անհատ ձեռնարկատիր նշումով) կամ իրավաբանական անձի անվանումը)

6	6	8	8	0	9	8	2
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

Արագածոտնի մ. ք. Աշտարակ Ոսկանյան փ. 1

(անհատ ձեռնարկատիրոջ հաշվառման հասցեն կամ իրավաբանական անձի գրեկվելու վայրի հասցեն)

Խախտման նկարագրությունը

ՀՀ ՊԵԿ ՀՕՀ վարչության պետի 04.09.2020թ-ի թիվ 1510055 որոշման համաձայն Ա/Ձ Գևորգ Սիրունյանի նկատմամբ իրականացվել են օպերատիվ-հետախուզական միջոցառումներ:

Իրականացված ՕՀՄ-ի շրջանակներում պարզվել է, որ 16.09.2020թ-ին ժամը 10:45-ի սահմաններում, Ա/Ձ-ի վարորդ Համլետ Սարգսյանը «Օպել Զաֆիրա» մակնիշի 97 AA 987 հաշվառման համարանիշի ավտոմեքենայով Լոռու մ. ք. Վանաձոր Զորավար Անդրանիկի 14 հասցեում գործող արևածաղկի սերմերի բովարանի տարածքից տարբեր տնտեսվարողների մատակարարելու նպատակով իրականացրել է՝ ընդամենը 179.500 ՀՀ դրամ արժողությամբ՝ 40 հատ 5կգ-ոց ալանի արևածաղկի սերմերի, 30հատ 5կգ-ոց աղի արևածաղկի սերմեր, 1 հատ 5կգ-ոց հում արևածաղկի սերմի և 10 հատ 200գ-ոց «Լաքի Մաքսի» անվամբ արևածաղկի սերմի տեղափոխում: Մասնավորապես նշված մեքենան նույն օրը ժամը 11:00-ի սահմաններում կայանվել է ք. Վանաձոր Արցախ պուրակի հարևանությամբ և Տիգրան Մեծ 34բ/1 հասցեում գործող խանութին մատակարարել է՝ ընդամենը 5.000 ՀՀ դրամ արժողությամբ՝ 2 փաթեթ 5 կգ-ոց արևածաղկի սերմ, այնուհետև ժամը 11:50-ին Նարեկացի 29/1 հասցեում գործող խանութին մատակարարել է՝ ընդամենը 2.500 ՀՀ դրամ արժողությամբ 1 հատ 5կգ-ոց արևածաղկի սերմ: ՕՀՄ-ի ընթացքում Ա/Ձ-ի վարորդը հայտնել է, որ նշված 2 մատակարարման համար, ինչպես նաև մեքենայում առկա բեռի համար իր մոտ ուղեկցող փաստաթուղթ առկա չէ, քանի որ այն դուրս է գրվում հաշվապահի կողմից:

ՀՀ ՊԵԿ տեղեկատվական բազայի ուսումնասիրությամբ պարզվել է, որ ընդհանուր 179.500 ՀՀ դրամ արժողությամբ ապրանքների մատակարարման և տեղափոխման համար Ա/Ձ-ի կողմից 16.09.2020թ-ին ժամը 10:45-ի, 11:00-ի և 11:50-ի դրությամբ դուրս գրված չեն եղել համապատասխան ուղեկցող փաստաթուղթ:

Թիվ 1510055 արձանագրությամբ 16.09.2020թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել վարչական վարույթին: Գործում առկա չեն լրացուցիչ ապացույցներ, չեն ներկայացվել միջնորդություններ:

Այսպիսով, Ա/Ձ Գևորգ Սիրունյանի կողմից խախտվել է ՀՀ հարկային օրենսգրքի 57-րդ հոդվածի 1-ին մասի պահանջները, ըստ որի ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայություններ մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով տեղափոխվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտարժույթի) մատակարարումը կամ տեղափոխությունը պարտադիր կարգով իրականացվում է ուղեկցող փաստաթղթերով:

Կատարված խախտման համար պատասխանատվություն է նախատեսված ՀՀ հարկային օրենսգրքի 410-րդ հոդվածի 1-ին մասի 1-ին կետով, ըստ որի «Օպերատիվ-հետախուզական գործունեության մասին» ՀՀ օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների մատակարարման կամ տեղափոխության փաստաթղթավորման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուցեկցող փաստաթղթով կամ առանց ուղեկցող փաստաթղթի ապրանքների մատակարարման կամ տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ գանձվում է տուգանք այդ ապրանքի գնի (արժեքի) 50 տոկոսի չափով, բայց ոչ պակաս 200 հազար դրամից:

Տվյալ դեպքում Ա/Ձ Գևորգ Սիրունյանի կողմից խախտումը վերջին 1 տարվա ընթացքում կատարվում է առաջին անգամ: Ապրանքների ընդհանուր գումարը կազմել է 179.500 ՀՀ դրամ, որի 50 տոկոսը կազմում է 89.750 ՀՀ դրամ, ուստի օրենսդրական պահանջից ելնելով Ա/Ձ Գևորգ Սիրունյանի նկատմամբ կիրառելի է 200.000 ՀՀ դրամի չափով տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

1. Հաշվարկել և Ա/Ձ Գևորգ Սիրունյանին գանձման առաջադրել 200.000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 410-րդ հոդվածով սահմանված տուգանք ընդամենը, որից՝	200.000	պետական բյուջե	900008000490

2. Ընդունելի գիտություն՝

- 1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:
- 2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:
- 3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:
- 4) Սույն վարչական ակտը կազմվել է երեք օրինակով:

ԻՎ պետ Ա. Մնացականյան

Վարչական ակտն ընդունող պաշտոնատար անձի
պաշտոնը, անունը և ազգանունը



[Handwritten signature]

ստորագրությունը

Կ.Տ.

Ստացա ակտի մեկ օրինակը

ընդամենը 3 էջ

Ա/Ձ Գևորգ Սիրունյան

Ֆիզիկական անձի անունը, ազգանունը
(անհատ ձեռնարկավորող դեպքում՝ անհատ
ձեռնարկավորող նշումով) իրավաբանական անձի գործադիր
մարմնի ղեկավար (զրազրության ընդունման համար
պարասխանագրու անձ՝ հատուկ առաքման դեպքում)

ստորագրությունը

2020թ.

(նշում ակտը ստորագրելուց և (կամ) ստանալուց հրաժարվելու մասին)